



Bosnia and Herzegovina  
Federation of Bosnia and Herzegovina

**CANTON SARAJEVO**  
**Ministry of Health**

Broj: 10-37- 3581-35 /19  
Sarajevo, 03.04.2019.godine

SKUPŠTINA KANTONA SARAJEVO  
-Služba za Skupštinske poslove-

PREDMET: Odgovor na zastupničko pitanje

Zastupnica Segmendina Srna Bajramović na Petoj radnoj sjednici Skupštine Kantona Sarajevo, održanoj dana 27.02.2019. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo, postavila je zastupničko pitanje

1. Na koji način se vrši procjena nabavke citostatka, te da li je moguće izvršiti nabavku određenih rezervi lijekova kako nam se ovakva situacija ne bi ponavljala iz godine u godinu?
2. Da li Vlada FBiH može uplatiti svoj dio obaveza po pitanju Fonda solidarnost, pa da se osiguraju nedostajuća sredstva kojim će se nabavit odgovarajuće rezerve lijekova?
3. Da li postoji mogućnost da Agencija za javne nabavke izvrši određenu intervenciju kroz prioritetno rješavanje ovakvih postupaka ili eventualno izradu uputstva po kojem će se ovakvi postupci od kojih ovise život ljudi učiniti efkasnijim nego što je slučaj zadnjih godina?

U vezi sa dostavljenom zastupničkom inicijativom, Ministarstvo zdravstva Kantona Sarajevo dostavlja sljedeći

**ODGOVOR**

Po dostavljenom pitanju zastupnice Segmendine Srna Bajramović, traženo je izjašnjenje od Zavoda zdravstvenog osiguranja i reosiguranja Federacije BiH i Agencije za javne nabavke Bosne i Hercegovine, te Vlade Federacije BiH čije odgovore Vam dostavljamo u prilogu ovog akta.

*S poštovanjem,*

Pripremila Prim.mr. ph. Edina Stević, pomoćnica  
ministrice

**MINISTRICA**

**Doc. dr. sci. med. Amela Sofić**



web: <http://mz.ks.gov.ba>  
e-mail: [mz@mz.ks.gov.ba](mailto:mz@mz.ks.gov.ba)  
Tel: + 387 (0) 33 562-104,  
Fax: + 387 (0) 33 562-243

Sarajevo, Reisa Džemaludina Čauševića 1



*Emso*  
*26.03.19*



**BOSNA I HERCEGOVINA**  
**AGENCIJA ZA JAVNE NABAVKE/NABAVE**

**БОСНА И ХЕРЦЕГОВИНА**  
**АГЕНЦИЈА ЗА ЈАВНЕ НАБАВКЕ**

**BOSNIA AND HERZEGOVINA**  
**PUBLIC PROCUREMENT AGENCY**

Broj: 02-07-3-787-2/19  
Sarajevo, 20.03.2019.godine

**KANTON SARAJEVO**  
**MINISTARSTVO ZDRAVSTVA**  
**R. DŽ. Čauševića 1**  
**71000 Sarajevo**  
**Fax: 562 243**

Predmet: Odgovor na zastupničko pitanje  
Veza: Vaš akt broj: 10-37-3538-1/19 od 05.03.2019.godine

Poštovani,

Povodom zastupničkog pitanja gđa. Segmedine Srna Bajramović postavljenog na 5. Radnoj sjednici Skupštine Kantona Sarajevo, održanoj dana 27.02.2019.godine, dajemo slijedeći odgovor:

Agencija za javne nabavke BiH je upoznata sa problemom nabavke lijekova, a između ostalih i nabavke citostatika, te svjesna težine situacije, rado se odaziva na sastanke relevantnih institucija, udruženja i pruža tehničku i savjetodavnu pomoć i ugovornim organima i dobavljačima u vezi s primjenom i tumačenjem odredbi zakona i podzakonskih akata, a sve u cilju iznalaženja pozitivnih rješenja.

Članom 3. Zakona o javnim nabavkama ( u daljem tekstu: Zakon ) određeni su osnovni principi sistema javnih nabavki u cilju najefikasnijeg korištenja javnih sredstava s obzirom, na svrhu i predmet javne nabavke uz osiguranje pravične i aktivne konkurencije među potencijalnim dobavljačima i ostvarivanje jednakog tretmana, nediskriminacije i transparentnosti.

Zakon se primjenjuje na ugovore o javnim nabavkama čiji su predmet robe, usluge i radovi i koje dodjeljuju ugovorni organi definisani u članu 4. i 5. Zakona. Dakle, svi ugovorni organi navedeni u pomenutom članu Zakona, koji dodjeljuju javne ugovore za robe, usluge i radove, obavezni su provesti odgovarajući postupak javne nabavke i slijediti zahtjeve koje definira Zakon i podzakonski akti.

Općenito, Zakon se mora primjenjivati ako su ispunjeni slijedeći kumulativni uslovi:

- predmet javne nabavke su robe, usluge ili radovi,

- ugovor dodjeljuje ugovorni organ, i
- nisu ispunjeni uslovi koji dozvoljavaju da se Zakon ne primjenjuje (izuzeci).

Zakonodavac predviđa izuzeća od primjene Zakona i to u članu 10. Zakona, zatim u članu 86. Zakona dodatna izuzeća za sektorske ugovorne organe, a potom i djelimično izuzeće, koje je propisano kroz subvencionirane ugovore u članu 7. Zakona, u situacijama kada ugovorni organ subvencionira dio ugovora o javnoj nabavci.

Smatramo za važnim naglasiti da je Zakon u većoj mjeri usaglašen sa Direktivama EU, te nabavka lijekova nije izuzeta ni po Direktivama.

Naime, uloga Agencije da osigura pravilno provođenje Zakona, te su odredbom člana 92. stav (3) Zakona utvrđene nadležnosti Agencije. Zakon, zajedno sa podzakonskim aktima koji uređuju oblast javnih nabavki, je sistemski zakon koji treba da uspostavi efikasan i transparentan sistem trošenja javnih sredstava, ali u okviru postojećeg pravnog sistema, a ne izdvojeno od drugih zakona i propisa koji uređuju određenu oblast.


Zakon definiše procedure koje se provode u postupku javne nabavke roba, usluga ili radova, ali niti u jednom dijelu ne izdvaja neke posebne procedure vezane za specifičan predmet javne nabavke, kao što su, na primjer lijekovi, automobili, računari, papir, izgradnja mosta ili sl.

Također, sistem javnih nabavki u BiH je decentraliziran, što praktično znači da ugovorni organ samostalno provodi postupak javne nabavki, odnosno samostalno donosi odluku o primjeni određenog postupka javne nabavke u zavisnosti od ispunjenosti uslova definisanih Zakonom.

S poštovanjem,

Dostavljeno:

- naslovu
- a/a

  
v.d. DIREKTORA  
**Đenan Salčin**



1532  
Edna  
Eusa  
29.03.19

Broj : 01/VII-V-IV-I-10-1-936-1/19  
Sarajevo, 22.03.2019.godine

Bosna i Hercegovina  
Federacija Bosne i Hercegovine  
KANTON SARAJEVO

Datum: 28-03-2019		Redni broj: 3581-3	
Organizacija: 10	Broj: 37	Redni broj: 3581-3	Drž. štampa

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Ministarstvo zdravstva**  
**(n/r ministar, Doc.dr.sci. med. Amela Sofić)**

**Predmet:** Izjašnjenje vezano za zastupničko pitanje koje se odnosi na „... procedure planiranja i nabavke lijekova iz grupe citostatika...” - dostavlja se

Poštovana Ministrice,

Veza: Vaš Akt broj:10-37-3581-3/19 od 05.03.2019.godine

U vezi Vašeg Akta broj i datum gornji (zaprimljen dana 14.03.2019.godine) , kojim ste tražili/zamolili od Zavoda zdravstvenog osiguranja i reosiguranja Federacije Bosne i Hercegovine izjašnjenje u dijelu koji se odnosi na ovaj Zavod , a vezano za zastupničko pitanje Zastupnice Srna Segmedine Bajramović koje se tiče „ procedure planiranja i nabavke lijekova iz grupe citostatika” koji se nabavljaju od strane ovog Zavoda, u ostavljenom roku, daje se slijedeći odgovor.

## I

Iako je i sama zastupnica Srna Segmedina Bajramović u svom zastupničkom pitanju, vjerovatno se koristeći i dostupnim podacima sa web stranice ovog Zavoda, iznosila određene podatke koji se odnose na rad ovog Zavoda, a vezano za navedeno pitanje, treba napomenuti i slijedeće odnosno detaljnije ukazati na ovaj problem, kao i ukazati na mjere koje je dosada poduzimao ovaj Zavod u nastojanju da se isti prevaziđe, zajedno sa Federalnim ministarstvom zdravstva i drugim nadležnim institucijama, u cilju iznalaženja najboljeg načina za rješavanje mogućih nestašica lijekova/citostatika.

Činjenica je da povremeno dolazi do deficitarnosti pojedinih lijekova iz grupe citostatika, ali generalno deficitarnost lijekova nije specifična samo za citostatike koji se koriste na teret sredstava fonda solidarnosti, nego je ona prisutna na svim nivoima nabavke lijekova primarni (esencijalna lista), sekundarni i tercijarni. Želimo ukazati da su povremeno deficitarni i lijekovi sa esencijalne liste, zatim lijekovi i medicinska sredstva u Opštim, Kantonalnim bolnicama , Kliničkim centrima i domovima zdravlja koji se finansiraju sredstvima kantonalnih Zavoda zdravstvenog osiguranja, a po osnovu Liste lijekova u bolničkoj zdravstvenoj zaštiti iz obaveznog zdravstvenog osiguranja.Do deficitarnosti lijekova koja je naravno i za ovaj Zavod apsolutno neprihvatljiva zbog mogućih nesagledivih posljedica po pacijente, dolazi iz razloga koji će se obrazložiti, kako slijedi.

Snabdijevanje zdravstvenih ustanova u Federaciji BiH lijekovima sa Liste lijekova u bolničkoj zdravstvenoj zaštiti koji se mogu koristiti na teret sredstava fonda solidarnosti Federacije BiH, a što je u nadležnosti Zavoda predstavlja izuzetno složen i dinamičan proces, jer se svakodnevno vrši nabavka pored ostalih lijekova sa Liste i 58 lijekova iz grupe citostatika i 11 lijekova sa posebnim režimom propisivanja, u 165 različitih oblika i jačina samo za citostatike. Samim tim broj i struktura deficitarnih lijekova se svakodnevno mijenja i u posljednjih nekoliko mjeseci taj broj se kreće između 5-10 dificitarnih lijekova iz grupe citostatika u odnosu na ukupan broj citostatika koji se naručuju. Dakle Zavod je uvijek obezbjeđivao veliku većinu lijekova koje je

potreban nabaviti za pacijente što naravno ni u kom slučaju ne opravdava nestašicu manjeg broja lijekova koja je naravno apsolutnao neprihvatljiva, pa iako je do iste došlo iz razloga, dole navedenih na koje ovaj Zavod nije mogao objektivno uticati.

## II

U vezi nadležnosti ovog Zavoda, a vezano za postavljeno pitanje prije svega napominjemo da Zavod zdravstvenog osiguranja i reosiguranja Federacije BiH (u daljem tekstu: Zavod) saglasno tački IX stav 1. podtačka 3. Odluke o utvrđivanju osnovnog paketa zdravstvenih prava ("Službene novine Federacije BiH", broj: 21/09), te tački II pod c) i tački III stav 1. pod c) Odluke o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 08/05, 11/07, 44/07, 97a/07, 33/08 i 52/08 ) iz sredstava federalnog fonda solidarnosti, finansira citoterapiju kod malignih oboljenja odnosno iz ovih sredstava obezbjeđuje se nabavka citostatika i citostatika sa posebnim režimom propisivanja iz Odluke o Listi lijekova fonda solidarnosti Federacije Bosne i Hercegovine, („Službene novine Federacije BiH“, broj: 3/18- u daljem tekstu: Odluka o listi lijekova).

Dakle lijekovi koji, saglasno odredbama Odluke o Listi lijekova pripadaju listi lijekova fonda solidarnosti Federacije Bosne i Hercegovine, koji se finansiraju sredstvima navedenog fonda i koji se nabavljaju, od strane ovog Zavoda kao Ugovornog organa, putem javnih nabavki su između ostalog i citostatici te citostatici sa posebnim režimom propisivanja.

Saglasno navedenom Zavod, kao Ugovorni organ, je između ostalih postupaka javnih nabavki vodio odnosno vodi i postupke javnih nabavki lijekova pa i javne nabavke citostatika i to saglasno odredbama Zakona o javnim nabavkama ("Službeni glasnik BiH", broj: 39/14 - u daljem tekstu: Zakon o javnim nabavkama) te odredbama podzakonskih akata donesenih na osnovu ovog Zakona, odredbama Odluke o utvrđivanju osnovnog paketa zdravstvenih prava, odredbama Odluke o Listi lijekova, odredbama Zakona o lijekovima i medicinskim sredstvima ("Službeni glasnik BiH", broj: 58/08) odredbama podzakonskih akata donesenih na osnovu Zakona o lijekovima i medicinskim sredstvima, i dr.

## III

Treba napomenuti i da su lijekovi i medicinska sredstva specifična vrsta roba koja je precizirana nizom zakonskih i podzakonskih akata kako na nivou BiH, entiteta i Distrikta Brčko i ista mora ispunjavati propisane uslove u pogledu sastava utvrđenog deklaracijom, kvaliteta, pakovanja i sl. u svrhu obezbjeđenja zaštite zdravlja pacijenata. Takođe napominjemo da je, u odnosu na druge robe koje se nabavljaju javnim nabavkama, nabavka lijekova i medicinskih sredstava vrlo specifična u pogledu uslova i zahtjeva traženih tenderskim dokumentacijama.

Nakon provedene javne nabavke Zavod ugovara isporuku sa pravnim licima (veleprometnicima lijekova) koja imaju odobrenje za promet lijekovima na teritoriji BiH izdano od strane Agencije za lijekove i medicinska sredstva BiH, što znači da Zavod nije taj koji prometuje lijekovima pa samim tim i citostaticima, niti ih uvozi, skladišti distribuirati i dr. Veoma često kod provođenja javnih nabavki iste se okončavaju poništenjem, saglasno odredbama Zakona o javnim nabavkama jer nije bilo nijedne dostavljene ponude u određenom roku ili nijedna od primljenih ponuda nije prihvatljiva.

Dakle, sama procedura nabavke lijekova i medicinskih sredstava kroz postupke javnih nabavki kao i problemi u samom izvršenju već zaključenih ugovora nakon provedenih javnih nabavki, veoma usložnjava i otežava blagovremenost odnosno kontinuiranost snabdijevanja istim.

Naime, i pored toga što ovaj Zavod blagovremeno provede postupke javnih nabavki pa i javne nabavke lijekova i temeljem toga na vrijeme zaključi ugovor/e u toku izvršenja istih dešavaju se određeni problemi u isporuci prema traženim uslovima ugovora (prestanak proizvodnje lijeka, nezainteresiranost dobavljača i proizvođača zbog malih količina - malo tržište, povlačenje proizvođača sa tržišta BiH pri čemu pojedini lijekovi koje proizvode gube status registrovanog lijeka i time je otežana njihova nabavka, zastoji u isporuci, nemogućnost pribavljanja potrebnih

dozvola za uvoz, nedostajanje nalaza o kontroli kvaliteta prve (traje 15-20 dana) i svake serije koje su obavezni obezbijediti proizvođač i ugovorni dobavljač, neblagovremene aktivnosti ugovornih veleprodajnika/dobavljača na procedurama uvoza lijekova i medicinskih sredstava i kašnjenje u predaji uzoraka za kontrolu kvaliteta i dr.), a na koje Zavod nema direktnog uticaja.

Jedini instrument je samo primjena ugovorenih odredbi (realizacija bezulovne bankovne garancije, naplata penala, tužbe za naknadu štete i dr.) i jednostrano raskidanje ugovora, te pokretanje novog postupka javne nabavke, što zahtijeva određeno-propisano vrijeme.

U vezi nezainteresiranosti dobavljača i proizvođača zbog malih količina - malo tržište, takođe napominjemo da problem deficitarnosti uzrokuje činjenica da se gotovo svi lijekovi iz grupe citostatika uvoze od proizvođača iz Evropske unije, Kanade, Japana i SAD, te da se radi o multinacionalnim kompanijama za koje je tržište BiH isuviše maleno, da bi bilo prioritet u proizvodnim planovima. Samim tim priprema serija lijeka za tržište BiH navedenim proizvođačima nije prioritet, a navedeno stvara probleme ugovornim veleprodajnicima/ dobavljačima u proceduri uvoza. Veoma je čest slučaj da se pojedini proizvođači povuku sa tržište BiH ( nekada i u vrijeme važnosti ugovora zaključenog poslije provedenih javnih nabavki) pri čemu i lijekovi koje proizvode gube status registrovanog lijeka i time je otežana njihova nabavka. Kako je godišnja potrošnja lijekova i medicinskih sredstava relativno manja kao i vrijednost nabavke istih to dovodi do male zainteresovanosti dobavljača za nabavku navedenih lijekova te za pojedine od lijekova te i pojedine citostatike na otvorenim postupcima javne nabavke ne bude dostavljenih ponuda.

Pored toga posebno ističemo da jedan broj lijekova odnosno citostatika nije registrovan u BiH, što dovodi do dodatnih problema odnosno usložnjavanja procedure za nabavku istih i pribavljanja potrebnih odobrenja, za nabavku putem interventnog uvoza, u skladu sa odredbama Zakona o lijekovima i medicinskim sredstvima, što ne isključuje i obavezu provođenja javnih nabavki.

Dešava se da, iako su lijekovi uvezeni u BiH, u skladu sa Zakonom o lijekovima i medicinskim sredstvima, za iste je obavezna kontrola kvaliteta svake serije uvezenog lijeka, koja za prvu seriju traje i do 15-20 dana, tako da je u tom periodu moguća pojava deficitarnosti lijekova, jer se u skladu sa propisima niti jedan lijek ne smije staviti u promet bez nalaza o kvaliteti lijeka odnosno provedenoj kontroli serije.

U slučajevima kada se u toku izvršenja ugovora zaključenih na osnovu provedenih javnih nabavki dešavaju određeni problemi u isporuci prema traženim uslovima ugovora iako su se izabrani/ugovorni ponudnici obavezali, između ostalog i na kontinuiranu isporuku ugovorenih lijekova, pored instrumenta primjene ugovorenih odredbi i jednostranog raskidanje ugovora, kako smo i ranije naveli, potrebno je pokrenuti novi postupak javne nabavke, što zahtijeva određeno-propisano vrijeme, a do okončanja novog otvorenog postupka jedini način obezbjeđenja kontinuiranog snabdijevanja pacijenata lijekovima, a da ne bi došli u pitanje životi i zdravlje ovih pacijenata, je vođenje pregovaračkih postupaka bez objave obavještenja o nabavci iz dokazivih razloga krajnje hitnosti, a što takođe zahtijeva određeno vrijeme. Dakle u slučajevima kada je lijek deficitaran, bez provođenja odgovarajućeg ponovnog postupka javne nabavke istog lijeka Zavod nema mogućnost za nabavku tog lijeka od drugih dobavljača koji na tržištu nude generičku paralelu ili biološki sličan lijek.

U proteklom periodu problem predstavlja i finansijsko poslovanje Zavoda s obzirom da ograničena sredstava u fondu solidarnosti iz kojeg se i finansira nabavka pomenutih lijekova što onemogućava stvaranje optimalnih zaliha u zdravstvenim ustanovama u kojima se koriste ovi lijekovi, za jedan duži period. Poseban problem predstavlja period u drugoj polovini decembra i početak januara kada se praktično prekida prometovanje lijekova u zemljama porijekla ovih lijekova. Zavod u skladu sa raspoloživim sredstvima nastoji uvijek osigurati jednomjesečne zalihe u svim zdravstvenim ustanovama gdje se lijekovi koriste. Obezbjedenje zaliha lijekova je precizirano i u tenderskim dokumentacijama te ugovornim odredbama po kojima se ponudnici odnosno veleprometnici lijekova moraju obavezati da će u toku trajanja ugovora u svakom trenutku raspolagati sa zalihama medicinskih sredstava u količini potrebnoj za jedan mjesec u odnosu na ugovorene količine, međutim za lijekove koji se ne isporučuju odnosno koji su u defekturi, podrazumjeva se da zalihe ne postoje odnosno da su istrošene.

Dakle i pored toga, kao što smo i ranije naveli i detaljno obrazložili, kada ovaj Zavod blagovremeno provede postupke javnih nabavki pa i javne nabavke lijekova te i citostatika, u određenim slučajevima, za pojedine LOT-ove, odnosno lijekove, ne bude dostavljena nijedna ponuda u određenom krajnjem roku ili nijedna od primljenih ponuda nije prihvatljiva, a u pojedinim slučajevima i kada se na osnovu provedenog postupka javne nabavke na vrijeme zaključi/e ugovor/e u toku izvršenja istih, kod lijekova, pa i citostatika kao specifične vrsta roba dešavaju se određeni problemi u isporuci prema traženim uslovima ugovora, a što je ranije detaljno obrazloženo.

Ukazujemo, a u odnosu na tekuću godinu, da je na Finansijski plan Federalnog zavoda zdravstvenog osiguranja i reosiguranja za 2019. godinu data saglasnost od strane Parlamenta Federacije Bosne i Hercegovine tek 20.02.2019. godine, te je navedeno uticalo na početak postupaka javnih nabavki lijekova za tekuću godinu i zaključivanje ugovora sa dobavljačima za već provedene javne nabavke, a do dobijanja navedene saglasnosti.

Dakle radi se o razlozima, gore detaljno navedenim i obrazloženim, na koje ovaj Zavod objektivno ne može uticati, a o kojima su redovno i blagovremeno izvještavani nadležne institucije (Federalno ministarstvo zdravstva, Vlada Federacije BiH, te na njihov zahtjev i Ombudsmena za ljudska prava Bosne i Hercegovine, Helsinški komitet za ljudska prava u Bosni i Hercegovini, udruženja žena oboljelih od raka dojke, druga udruženja pacijenata, sredstva javnog informisanja i dr).

#### IV

U vezi navoda iz zastupničkog pitanja da, "Iz Zavoda zdravstvenog osiguranja i reosiguranja Federacije BiH za sve krive proces javnih nabavki, dobavljače, ali i proizvođače lijekova" te navoda, "...odgovornost Zavoda za neispunjene ugovorene obaveze dobavljača ne može se zaobići" napominjemo da nije u nadležnosti ovog Zavoda utvrđivanje eventualne krivice navedenih subjekata te navedeno nije ni činio nego je samo ukazivao, kao i u ovom izjašnjenju, na činjenično stanje vezano za navedeno pitanje koje se dotiče i ovih subjekata, a sa kojima ovaj Zavod pokušava da na odgovarajući zajednički način, saglasno pozitivnim propisima, rješi navedena pitanja odnosno probleme u nabavci citostatika. Što se tiče eventualne odgovornosti samog Zavoda ista se, kao što je poznato, može, ukoliko postoji, utvrditi samo na propisani način i od strane nadležnih organa za svaki konkretni slučaj.

O specifičnosti, složenosti i osjetljivosti samog postupka javne nabavke lijekova pa i javne nabavke citostatika osim specifičnosti samog predmeta nabavke o kojim je ranije detaljnije rečeno treba napomenuti i slijedeće, a koje se tiče i konstatacija koje je naveo i sam podnosilac zatupničkog pitanja (pravni okvir, sistemska rješenja, i dr).

Dakle ovdje se radi o veoma širokom pravnom okviru koji definiše ovu materiju odnosno obaveze koje proizilaze iz tih propisa, a sve u svrhu obezbjeđenja zaštite zdravlja pacijenata. Pravni okvir odnosno relevantno zakonodavstvo se odnosi na međunarodne propise kao i niz zakonskih i podzakonskih akata kako na nivou BiH, entiteta i Distrikta Brčko.

Dakle sa jedne strane postoje obaveze vezano za međunarodne propise, na koje se pozivaju ne samo pacijenti nego i mnogobrojna udruženja pacijenata te i nadležne institucije kao Ombudsmen za ljudska prava Bosne i Hercegovine i Helsinški komitet za ljudska prava u Bosni i Hercegovini, sredstva javnog informisanja i dr., a sa druge strane postoje obaveze prema odredbama Zakona o javnim nabavkama i podzakonskim aktima donesenim na osnovu istog kao i postojanje razloga, gore detaljno navedenih i obrazloženih, na koje ovaj Zavod objektivno ne može uticati. Ispunjavanje obaveza kako po jednim tako i po drugim propisima sve da bi se obezbjedila zdravstvena zaštita pacijenata u kontinuitetu, uz postojanje gore navedenih razloga, je veoma zahtjevna i složena.

Međutim i pored navedene složenosti problema ovaj Zavod poduzima i poduzimaće sve potrebne radnje da se obezbjedi kontinuirano snabdijevanja pacijenata lijekovima koji se finansiraju sredstvima federalnog fonda solidarnosti pa i citostaticima.

U tom cilju ovaj Zavod je između ostalog: Tražio od Agencije za javne nabavke između ostalih i mišljenja u vezi, "...uslova odnosno mogućnost primjene u javnim nabavkama instituta

pregovaračkog postupka bez objavljivanja obavještenja o nabavci iz razloga kranje hitnosti kao i instituta „autorizacije/garancije proizvođača“; Tražio i druga mišljenja od Agencije za javne nabavke i postupao po Rješenjima i zauzetim stavovima Ureda za razmatarnje žalbi; Inicirao kod Agencije za lijekove i medicinska sredstva BiH izmjene Zakona o lijekovima i medicinskim sredstvima vezano za kontrole svake serije lijekova; Kontinuirano saradivao sa Agencijom za lijekove i medicinska sredstva BiH s kojom je postignut dogovor da se prilikom kontrole kvaliteta prioritet da kontroli kvaliteta za lijekove iz grupe citostatika; Nakon zaključenja ugovora poslije provedenog postupka javnih nabavki u stalnom je kontaktu sa zdravstvenim ustanovama i dobavljačima sa kojima su ugovorene isporuke za lijekove i medicinska sredstva kako bi se utvrdili i prevazišli, u slučaju kašnjenja, razlozi za kašnjenje u isporuci i dr..

Takođe ovaj Zavod je Inicirao izmjene kako „starog“ tako i „novog“ Zakona o javnim nabavkama Dakle ovaj Zavod, te i Federalno ministarstvo zdravstva, upućivali su više inicijativa za izmjene Zakona o javnim nabavkama pri čemu su se neke odnosile i na izuzimanja „lijekova koji se nalaze na listama i finansiraju sredstvima obaveznog zdravstvenog osiguranja od primjene javnih nabavki“. U vezi ranijih inicijativa te i u vezi incijative udruženja oboljelih od raka dojke i drugih malignih oboljenja, te od multiplog mialoma kojim su tražili, između ostalog, izuzimanje javnih nabavki lijekova od primjene Zakona o javnim nabavkama, a koje su proslidene Agenciji za javne nabavke ista je dala mišljenje da nabavka lijekova nije izuzeta ni po Direktivama EU te da nema osnova za izmjenu Zakona o javnim nabavkama koji se odnosi na izuzimanje nabavke lijekova od primjene Zakona o javnim nabavkama.

Incijative udruženja oboljelih od raka dojke i drugih malignih oboljenja, te od multiplog mialoma kojim je traženo, između ostalog, ukidanje PDV-a za nabavku lijekova, povrat PDV-a, raspodjelu sredstava od akciza na duhan, da se akcize na duhan usmjere na lijekove, hitno nabavljanje lijekova za onkološke pacijente i dr. su proslidjene nadležnim organima te dobijeni slijedeći stavovi/mišljenja.

Uprava za indirektno oporezivanje BiH je dala svoj stav da „nema osnova za izmjenu odredbi važećeg Zakona o porezu na dodatu vrijednost u pravcu oslobađanja označenih prometa, odnosno saglasno .....odredbama Direktive EU, jedina mogućnost izmjene Zakona je u smislu uvođenja snižene stope PDV-a , što znači da bi oslobađanje od plaćanja PDV-a na lijekove koji se nabavljaju u slobodnoj prodaji (apotekama), kako se predlaže u nekim incijativama, bilo suprotno odredbama Direktive EU..... Stoga u situaciji kada kada postoje stabilni prihodi u Budžet, mišljenja smo da treba insistirati na njegovoj pravilnijoj raspodjeli, te i aktivnosti usmjeriti u tom smjeru.“

Iz navedenog proizilazi da ovaj Zavod poduzima i da će poduzimati sve, saglasno pozitivnim propisima, da se obezbjedi kontinuirano snabdijevanja pacijenata lijekovima koji se finansiraju sredstvima federalnog fonda solidarnosti te i citostaticima.

V

Dakle u gore navedenom tekstu dato je izjašnjenje odnosno odgovor na pitanja u dijelu koji se odnose na ovaj Zavod a za preostale odgovore su nadležne druge institucije prema kojima je su takođe , kako se vidi iz ranijih navoda, upućivane određene inicijative od strane ovog Zavoda.

Zavod u potpunosti razumije probleme nestašica citostatika, sa kojim se suočavaju pacijenti i ljekari na odjelima, osobito što se radi o teškim oboljenjima i kao što je naprijed navedeno, Zavod je maksimalno posvećen da, uz saradnju, prvenstveno sa ljekarima iz zdravstvenih ustanova i dobavljačima kao i ostalim subjektima odnosno nadležnim institucijama od kojih zavisi blagovremena i kontinuirana nabavka citostatika, poduzme sve, kao što je i dosada činio, kako bi se ovi problemi otklonili u što kraćem roku i sa što manjim posljedicama.

S poštovanjem,

Dostaviti: 1.Naslovu  
2. a/a

2 v.d. DIREKTOR  
doc.dr.sci. Vlatka Martinović, dr. med.



Broj: 03-02-295/2019  
Sarajevo, 28.03.2019. godine

1645  
18  
1-04-2019  
10 37 3581-2-15

**MINISTARSTVO ZDRAVSTVA KANTONA SARAJEVO**  
**Doc. dr. sci. med Amela Sofić, ministar**

Veza: Vaš akt broj: 10-37-3581-2/19 od 05.03.2019. godine

Predmet: Odgovor na poslaničko pitanje

Poštovana,

U prilogu Vam dostavljam akt Zavoda zdravstvenog osiguranja i reosiguranja Federacije Bosne i Hercegovine, broj: 01/VII-V-IV-I-10-1-935-2/19, od 25.03.2019. godine, koji sadrži odgovor na poslaničko pitanje, koje je na 5. radnoj sjednici Skupštine Kantona Sarajevo, održanoj 27.02.2019. godine, postavila poslanik Segmedina Srna Bajramović.

S poštovanjem,



**SEKRETAR VLADE**

**mr. sc. Edita Kalajdžić**


Prilog: kao u tekstu



2048/19

Broj : 01/VII-V-IV-I-10-1-935-2/19  
Sarajevo, 25.03.2019.godine

**Bosna i Hercegovina**  
**Federacija Bosne i Hercegovine**  
**VLADA**  
(n/r sekretar Vlade, mr.sc. Edita Kalajdžić)



**Predmet:** Obavještenje/odgovor vezan za zastupničko pitanje koje se odnosi na „... procedure planiranja i nabavke lijekova iz grupe citostatika...” - dostavlja se

**Veza:** Vaš Akt broj: broj:03-05-295/2019 od 15.03.2019.godine

Poštovani,


U vezi Vašeg Akta broj i datum gornji (zaprimljen dana 18.03.2019.godine) koji je pored Zavoda zdravstvenog osiguranja i reosiguranja Federacije BiH dostavljen i Federalnom Ministarstvu zdravstva radi odgovora na „poslaničko pitanje , koje je na 5. radnoj sjednici Skupštine Kantona Sarajevo održanoj 27.02.2019.godine, postavila Segmedina Srna Bajramović, poslanik u Skupštini Kantona Sarajevo” ,daje se odgovor/obaviještenje, kako slijedi.

Vezano za navedeno poslaničko pitanje, obavještavamo Vas da je Zavod zdravstvenog osiguranja i reosiguranja Federacije BiH Ministarstvu zdravstva Kantona Sarajevo, na njegovu molbu/zahtjev, dostavio svoje Izjašnjenje Akt broj:01/VII-V-IV-I-10-1-936-1/19 od 22.03.2019.godine čiju kopiju Vam dostavljamo u prilogu ovog Akta, na znanje.

S poštovanjem,

Prilog:1

- Dostaviti: ① Naslovu (sa prilogom)  
2. Federalno ministarstvo zdravstva  
(sa prilogom) C.O.  
3. a/a



21 v.d. DIREKTOR

doc.dr.sci. Vlatka Martinović, dr. med.